

全漢三國晉南北朝詩

第二函
十冊

全梁詩卷五

無錫丁福保仲祐編纂

江淹

字文通濟陽考城人弱冠以五經授宋始安王劉子真爲南徐州新安王從事奉朝請始安薨舉有徐州桂陽王秀才轉建平王主簿雅以文章見遇及王移鎮朱方又爲鎮軍參軍領東海郡丞王欲舉兵淹以爲諷乃黜爲吳興令齊高帝始置史館命淹掌之累遷御史中丞明帝時出爲宣城太守還爲秘書監兼衛尉入梁爲散騎常侍遷金紫光祿大夫卒諡曰憲有齊史十二卷集二十卷後集十卷

樂府

銅爵妓

以下五言

武皇去金閣英威長寂寞雄劍頓無光雜佩亦銷爍秋至明月圓風傷白露落清夜何湛湛孤燭映蘭幕撫影愴無從惟懷憂不薄瑤色行應罷紅芳幾爲樂徒登歌舞臺終成螻蟻郭

採菱曲

秋日心容與涉水望碧蓮紫菱亦可采試以緩愁年參差萬葉下泛漾百流前高彩隘通壑香氣一作麗廣川歌出一作趙女曲儻入江南絃乘龍非逐俗駕鯉乃懷仙衆美信如此無恨在一作出清泉

詩

侍始安王石頭

緒官承盛世逢恩侍英王結劍從深景撫袖逐曾光暮情鬱無已流望
在川陽平原忽超遠參差見南湘何如塞北陰雲鴻盡來翔擘鏡照愁
色徒坐引隱或作憂方山中如未夕無使桂葉傷

從征虜始安王道中

乘笏從帷幕仄身豫休明君子未獲宴小人亦自營結軒首涼野驅馬
徠寒城容裔還鄉權逶迤去國旌山氣亘百里山色與雲平喬松日夜
竦紅霞旦夕生徒慙恩厚槩空抱春施名仰願光威遠歲晏返柴荆

從冠軍行建平王登廬山香爐峯

文選無
行字

廣成愛神鼎淮南好丹經此山具鸞鶴往來盡仙靈瑤草正翕艷玉樹
信蔥青絳氣下縈薄白雲上杳冥中坐瞰蜿蜒俛伏視流星不尋遐怪
極則知耳目驚日落長沙渚曾陰萬里生藉蘭素多意臨風默含情方

學松柏隱羞逐市井名幸承光誦末伏思託後旂

本集
作旌

從建平王遊紀南城

恭承此嘉惠末官至南荆歛衽依

一作承

光采端笏奉仁明再逢綠草合

重見翠雲生江甸知禮富漢渚聞教清君王澹以思樹羽望楚城年積
衣劍滅地遠宮館平錦帳終寂寞綵瑟祕音英丹沙信難學黃金不可
成遷化每如茲安用貴空名流嚴慘中懷疑意方自驚願借若木景長
照憂人情

望荆山

奉義

藝文作詔

至江漢始知楚塞長南關繞桐柏西嶽出魯陽寒郊無留影

秋日懸清光悲風撓

文選作撓一作繞

重林雲霞肅川漲歲晏君如何零淚霑衣

裳玉柱空掩露金樽坐含霜一聞苦寒奏再使豔歌傷

步桐臺

客子畏霜雪憂至竟悠哉綺帷生網羅寶刀積塵埃思君出漢北鞍馬
登楚臺歲綵合雲光平原秋色來寂聽積空意凝望信長懷蕙芬自有
美光景詎徘徊山中忽緩駕暮雪將盈階

秋至懷歸

悵然集漢北還望沮山田法汙百重壑參差萬里山楚關帶秦隴荆雲
冠吳煙草色歛窮水木葉變長川秋至帝子降客人傷嬋娟試訪淮海
使歸路成數千蓬驅未止極旌心徒自懸若華想無慰憂至定傷年

渡西塞望江上諸山

南國多異山雜樹共冬榮潺湲夕澗急嘈嘈

集作嘈嘈

晨鷗鳴石林上參錯

流沫下縱橫松氣鑑青藹霞光鑠丹英望古一凝思留滯桂枝情結友
愛遠岳採藥好長生當畏佳人晚秋蘭傷紫莖海外果可學歲暮誦仙
經

赤亭渚

吳江泛丘墟饒桂復多楓水夕潮波黑日暮精氣紅路長寒光盡鳥鳴
秋草集作草木窮瑤水雖未合珠霜竊過中坐識物序晏臥視歲陰空一傷
千里極獨望淮海風遠心何所類雲邊有征鴻

渡泉嶠出諸山之頂

岑崟蔽日月左右信艱哉萬壑共馳驚百谷爭往來鷹隼旣厲翼蛟魚
亦曝鰓崩壁迭枕臥嶄石屢盤迴伏波未能鑿樓船不敢開百年積流
水千歲生青苔行行詎半景余馬以長懷南方天炎火魂兮可歸來

遷陽亭

遷集作遷

擘淚訪亭候茲地乃閩城萬古通漢使千載連吳兵瑤磻奠嶄萃銅山
鬱縱橫方水埋金牖圓岸伏丹瓊下視雄虹照俯看綵霞明桂枝空命
折煙氣坐自驚劍逕羞前檢岷山慙舊名伊我從霜露僕御復孤征楚
客心命絕一願聞越聲

遊黃蘗山

長望竟何極閩雲連越邊南州饒奇怪赤縣多靈仙金峰各虧日銅石
共臨天陽岫照鸞采陰谿噴龍泉殘杙千代木膺萃萬古煙禽鳴丹壁
上猿嘯青崖間秦皇慕隱淪漢武願長年皆負雄豪威棄劍爲名山况
我葵藿志松木橫眼前所若同遠好臨風載悠然

還故園

漢臣泣長沙楚客悲辰陽古今雖不舉茲理亦宜傷山中信寂寥孤景
吟空堂北地三變露南簷再逢霜竊值寰海關仄見圭緯昌浮雲抱山
川遊子御故鄉遽發桃花渚適宿春風塲紅草涵電色綠樹鑠煙光高
歌徕關國微歎依笙篴請學碧靈草終歲自芬芳

劉僕射東山集

蕭蕭雲色滋惟愛

一作憂

起長思喬木嘯山曲征鳥怨水湄共惜玉樽暮

願是

本集作使

光陰遲紳裳視絕雲銜意方此時誦飾江臯駕終從海濱詩

陸東海譙山集

杳杳長役思思來使情濃

情集作懷

恆忌光氛度藉蕙望春紅青莎被海月

朱華冒水松輕風暖長嶽雄虹赫遠峯日暮崦嵫谷參差綵雲重永願
白沙渚遊衍遂相從丹山有琴瑟不爲憂傷容

無錫縣歷山集

愁

集作秋

生白露日思起秋風年竊悲杜蘅暮惝涕弔空山落葉下楚水

別鶴噪吳田嵐氣陰不極日色半虧天酒至情蕭瑟憑樽還惘然一聞

清琴奏獻泣方留連况乃客子念直置絲竹間

外兵舅夜集

丹林一葉舊碧草從此空煙光拂夜色華舟盪秋風歛意悵何已極望情思中瑤瀾寂以晏若采能幾終暮心亦誰寄江臯桂有叢

貽袁常侍

昔我別楚水秋月麗秋天今君客吳坂春色縹

一作日媚

春泉幽翼生碧草

沅湘含翠煙鑠鑠霞上景惜惜雲外山涉江竟何望留滯空採蓮駐情光氣下凝怨琴瑟前珠貝性明潤蘭玉好芳堅不以宿昔阻懷愧期暮年

古意報袁功曹

樂府作從軍行

從軍出隴北長望陰山雲涇渭各異流恩情於此分故人贈寶劍鏤以瑤華文一言鳳獨立再說鸞無羣何得晨風起悠哉淩翠氛黃鵠去千里垂涕爲報君

寄丘三公

昔我學冠劍逢君在三川何意風雨激一訣異東西叶先菊秀空應奪蘭芳幾時堅常恐握手畢黯如光絕天安得明月珠擘涕寄吳山

臥疾怨別劉長史

藝文作臨秋怨別

四時煎日夜玉露催紫榮始懷未及歎春意秋方驚涼草散螢色衰樹歛蟬聲憑景魂且謚臥堂怨已生承君客江潭先愁鴻鴈鳴吳山饒離袂楚水多別情金堅碧不滅桂華蘭有英無輟代上朝豈惜鏡中明但見一葉落哀恨方未平

應劉豫章別

清塵播嶠岫遠□被脩□□□□代高行乃厲天俗態擘明林散□□才賢裂□□□分□□堯甸音田於時秋永永江漢起殘煙獵獵風剪樹颯颯露傷蓮霞出海中雲水發江上泉浸淫泉懷浦泛濫雲辭山洲渚一揚袂殞意元氣前願效卷施草春華冬復堅

燈夜和殷長史

冬盡綵葉暮金石亦懷傷冰鱗不能起水鳥望川梁客子仿永夜寂寞

幽意長臥歇丹丘采坐失曾泉光結眉慘成慮銷憂非羽觴此心冀可
緩清芷在沅湘

贈鍊丹法和殷長史

琴高遊會稽靈變竟不還不還有長意長意希童顏身識本爛熳光曜
不可攀方驗參同契金竈鍊神丹頓捨心知愛永卻平生歡玉牒裁可
卷珠藥不盈簞譬如明月色流采映歲寒一待黃冶就青芬遲孤鸞

從蕭驃騎新帝壘

鯢妖毀王度虹氣岨王猷上宰軫靈略宏威肅廣謀綿峻冒戈堞乘嶠
架烽樓燕兵歌越水代馬思吳州金笳夜一遠明月信悠悠雲色被江
出煙光帶海浮開襟夾蒼宇拓遠局溟洲折日承丹谷總駕臨青丘仄
待飈霧晏方從畎壑遊

惜晚春應劉秘書

煙景抱空意蘅杜綴幽心心憂望碧葉涵影顧青林風光多樹色露華
翻蕙陰水苔方下蔓石蘿日上尋霞衣已具帶仙冠不持一作待簪徒爲

多委鬱精魄還自臨始獲瓊歌贈一點重如金山中有雜桂玉瀝乃共斟

秋夕納涼奉和刑獄舅

蕭條晚秋景旻雲承景斜虛堂起青靄崦嵫生暮霞空居寂以欵左右
自幽歌騎星謝展或作箕尾濯髮慙陽阿年歇立圃壁歲減天津波金簫
哀夜長瑤琴怨暮多四時通信黯春風日夜過楚水徒有蘭憂至竟如
何

郊外望秋答殷博士

白露掩江臯青滿平地蕪長夜亦何際銜思久踟躕企余重蘭貝清才
富金瑜獨豔始東山擅麗終西都雲精無永滯水碧豈慙濡屬我茲景
半賞爾若光初折麻異離羣紉蕙非索居頻贈既雅歌還懷諒短書

冬盡難離和丘長史

閒居深悵悵颼寒拂中閨寶禮自千里縑一作緇書果君題山川吐幽氣
雲景抱長懷茲別亦爲遠潮瀾鬱東西汀臯日慘色桂閣猿方啼寧意

誰侘傺屑涕在心乖杜蘅念無沫石蘭終不暎翼總歲暮駕遊行蒼山
蹊

池上酬劉記室

戚戚憂可結結憂視春暮紫荷漸曲池臯蘭覆徑路葱蒨亘華堂蓋蓋
雜綺樹爲此久佇立容易光陰度水館次文一作久羽山葉下暝露懷賞
入舊襟悅物覽新賦惜我無雕文報章慙復素

吳中禮石佛

幻生太浮詭長思多沈疑疑思不慙炤詭生寧盡時敬承積劫下金光
鑠海湄火宅歛焚炭藥草匝卉滋常願樂此道誦經空山坻禪心暮不
雜寂行好無私軒騎久已訣親愛不留遲憂傷漫漫情靈意終不淄誓
尋青蓮果永入梵庭期

採石上菖蒲

瑤琴久蕪沒金鏡廢不看不見空閨裏縱橫愁思端緩步遵汀渚揚枻
泛春瀾電至煙流綺水綠桂涵丹憑酒竟一作意未悅半景方自歎每爲

憂見及杜若詎能寬冀探石上草得以駐餘一作衰顏赤鯉儻可乘雲霧
不復還

就謝主簿宿

季月寒氣重滋蘭錯無芳北風漂夜色河凝暘如霜悵哉心神晚燭滅
此深堂芰衣如可贈寧濕岵雲梁

無錫舅相送銜涕別

心遠路已迴意滿辭未陳曾風漂別蓋北雲竦征人杯酒憐歲暮志氣
非上春若無孤鳥還瀝泣何所因

當春四韻同□左丞

雷萌山中草雲煦江上花流煙漾璇景輕風泛凌霞我有幽蘭念銜意
矚里斜友人殊未還獨慰簷前華

感春冰遙和謝中書二首

江臯桐始華欽衣望邊亭平原何寂寂島暮蘭紫莖芬披好草合流爛
新光生冰雪徒噉潔此焉空守貞

暮意歌上眷悵哉望佳人寧洲之宿莽命爲瑤桂因觀書術不變學古
道恆眞若作商山客寄謝丹水濱

詠美人春遊

江南二月春東風轉綠蘋不知誰家子看花桃李津白雪凝瓊貌白雪一作白雲
明珠點絳唇行人咸息駕爭擬洛川神

征怨

蕩子從征久鳳樓簫管閒獨枕凋雲鬢孤燈損玉顏何日邊塵淨庭前
征馬還

雜體三十首

并序

夫楚謠漢風既非一骨魏製晉造固亦二體譬猶藍朱成彩雜錯之
變無窮宮角爲音靡曼之態不極故蛾眉詎同貌而俱動於魄芳草
寧共氣而皆悅於魂不其然歟至於世之諸賢各滯所迷莫不論甘
而忌辛好丹而非素豈所謂通方廣恕好遠兼愛者哉乃及公幹仲
宣之論家有曲直安仁士衡之評人立矯抗況復殊於此者乎又貴

遠賤近人之常情重耳輕目俗之恆蔽是以邯鄲託曲於李奇士季
假論於嗣宗此其效也然五言之興諒非簒古但關西鄴下既已罕
同河外江南頗爲異法故立黃經緯之辨金碧浮沈之殊僕以爲亦
各具選作合其美兼善而已今作三十首詩數其文體雖不足品藻淵流
庶亦無乖商摧云爾

古離別

遠與君別者乃至雁門關黃雲蔽千里遊子何時還送君如昨日檐前
露已團不惜蕙草晚所悲道路玉臺文選作里寒君在天一涯五臣本作君行在天涯妾
心久文選作身長別離願一見顏色不異瓊樹枝菟絲及水萍五臣作萍所寄終不
移

李都尉陵從軍

樽酒送征人踟躕在親宴日暮浮雲滋握手淚如霰悠悠清水川嘉魴
得所薦而文選作髮手在萬里結友不相見袖中有短書願寄雙飛燕

班婕妤詠扇

綾扇如團月

綾文選作純團文選作圓

出自機中素畫作秦王女乘鸞向煙霧彩色世

所重雖新不代故竊悲涼風至

悲涼風藝文類聚作愁秋涼誤文選作愁涼風或作恐涼風

吹我玉階樹君子

恩未畢零落委中路

委文選及宋刻玉臺並作在今從藝文類聚

魏文帝曹丕遊宴

置酒坐飛閣逍遙臨華池神飈自遠至左右芙蓉披綠竹夾清水秋蘭

被幽崖

文選作涯

月出照園中冠珮相追隨客從南楚來爲我吹參差淵魚

猶伏浦聽者未云疲高文一何綺小儒安足爲肅肅廣殿陰雀聲愁北

林衆賓還城邑何用慰我

文選作吾心

陳思王曹植贈友

君王禮英賢不悵千金璧雙闕指馳道朱宮羅第宅從容冰井臺清池
映華薄涼風盪芳氣碧樹先秋落朝與佳人期日夕望青閣褰裳摘明珠
徙倚拾蕙若眷我二三子辭義麗金牕延陵輕寶劍季布重然諾處
富不忘貧有道在葵藿

劉文學植感懷

蒼蒼山中桂團團

下園字文
選作圓

霜露色霜露一何緊桂枝生自直橘柚在南

國因君爲羽翼謬蒙聖主私託身文墨職丹彩既已過敢不自雕飾華
月照芳池列坐金殿側微臣固受賜鴻恩良未測

王侍中粲懷德

伊昔值世亂秣馬辭帝京既傷蔓草別方知杖杜情嶠函蕩

選作復

丘墟

冀闕緬縱橫倚棹汎涇渭日暮山河清蟋蟀依素

選作桑

野嚴風吹枯

選作

若莖鸛鷀在幽草客子淚已零去鄉三一作二十載幸遭天下平賢主降

嘉賞金貂服立纓侍宴出河曲飛蓋遊鄴城朝露竟幾何忽如水上萍

君子篤恩

選作惠

義柯葉終不傾福履既所綏千載垂令名

嵇中散康言志

曰余不師訓潛志去世塵遠想出宏域高步超常倫靈鳳振羽儀戢景
西海濱朝食琅玕實夕飲玉池津處順故無累養德乃入神曠哉宇宙
惠雲羅更四陳哲人貴識義大雅明庇身莊生悟無爲老氏守其真天
下皆得一名實久相賓咸池饗爰居鍾鼓或愁辛柳惠善直道孫登庶